



Aningaasaqarnermut Akileraartarnermullu Ataatsimiititaliaq  
Maani

Brevdato: 16-11-2020  
Sags nr. 2020 - 2900  
Akt id. 15375416

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

## **UKA 2020/19 – Ataatsimiititaliap apequtaanut akissutit**

Aningaasaqarnermut Akileraartarnermullu Ataatsimiititaliap 14. november 2020 allagaqarluni inatsisissatut siuliani taaneqartoq pillugu naatsorsukkanik allanik qinnuteqarpoq. Naalakkersuisut sapinngisartik tamakkerlugu ataatsimiititaliap kissaataa naammassiniarpaat, ullulli akissuteqarfissap ulloq 17. november 2020-mut killilerneqarnera eqqarsaatigalugu, naatsorsukkanut annertooujussuarnut piffissakilliorluni suliarineqartariaqartunut nangaassuteqarnissaq avaqqunneqarsinnaanngilaq.

Ataatsimiititaliap qinnuteqarnera aallaavigalugu akissuteqarnermi makku aallaavigineqarput:

- Utoqqalinersiuteqalartarnermut maleruagassat atuuttut
- Innuttaasoq kisermaaqq sulinermini isertitaqartoq ukiunilu 25-ni ulloq naallugu suliffeqarsimaneranut naapertuuttumik katersalik
- Ukiuni 15-ini utoqqalinersialittut inuusussatut missingerneqartoq
- Sipaakkat 2 %-imik erniaqarnerat 15,3 % iluanaarutisiaqarnerat

Taamattaq 150.000, 250.000 aamma 500.000 kr.-t ileqqaagassatut tunngavigineqarnerat aallaaviuvoq.

Ilisimatitsissutigineqassaaq, sipaagaqarnerup sivisussusaa aamma pisartagaqarnerup sivisussusaa, takussutissiat ataaniittut ukiumut tiguisoqarnerit (akileraarutit kingorna) akiliisarnernit (akileraarutit kingorna) annertuneranut nassuiaataasut.

### **Apeqqut 1**

**A-nit aamma B-nit isertitanit akiliutit 6 %-iunnartussanngorlugit aalajangersarneqarpata innuttaasunut aningaasaqarnikkut qanoq kinguneqassava?**

**a. Pisortanut aningaasaqarnikkut qanoq kinguneqassava?**

Akissut:

Innuttaasunut aningaasatigut kinguneqaatini apeqqutaavoq taakku ileqqaariaasiat maleruagassat allanngornerannut nalimmassarneqarnersoq imaluunniit taakku ileqqaakkaminnik assersuutigalugu SIK-p isumaqatigiissutai naapertorlugit annertussusaanut nalimmassarneqarnersoq.

Tulliuttuni innuttaasut pingasut tamarmik ukiumut ileqqaagassatut tunngavigisaminnit ileqqaakkaminnik 6 %-imut aalajangiussisut, taamatullu tamarmik kalaallit soraarnerussutisianik katersinernut aaqqissuussaanni atuisut tunngaviupput. Taamattaaq aguaqatigiissillugu akileraarut 43 %-i atorneqarpoq.

Takussutissiaq 1

	<b>150.000</b>	<b>250.000</b>	<b>500.000</b>
10 % sipaagaq	15.000	25.000	50.000
6 % sipaagaq	9.000	15.000	30.000
Nikingassut	6.000	10.000	20.000
Akileraarut	2.580	4.300	8.600
Ileqqaarnerup nalaani aningaasat tigorianaanaat annertuseriarnerat	3.420	5.700	11.400
Ukiumut 10 pct.-imik sipaagaqarnermi aningaasat tigorianaanaat amerlassusaat akileraarutit kingorna	11.171	18.618	37.235
Soraarninngornermi aningaasat tigorianaanaat appariarnerat	(7.447)	(12.412)	(24.824)

Tulliuttuni takussutissiaq 1-imi tunngavissaritit aallaavigineqarput, innuttaasulli pingasut qallunaat soraarnerussutisianik katersiviinik atuinerat tunngavissaatinneqarluni.

Takussutissiaq 2

	<b>150.000</b>	<b>250.000</b>	<b>500.000</b>
10 % sipaagaq	8.550	14.250	28.500
6 % sipaagaq	5.130	8.550	17.100
Nikingassut	3.420	5.700	11.400
Akileraarut	0	0	0
Ileqqaarnerup nalaani aningaasat tigorianaanaat annertuseriarnerat	3.420	5.700	11.400
Ukiumut 10 pct.-imik sipaagaqarnermi aningaasat tigorianaanaat amerlassusaat akileraarutit kingorna	11.171	18.618	37.235

Soraarninngornermi aningsaat tigoriaannaat appariarnerat	(7.447)	(12.412)	(24.824)
---	---------	----------	----------

Takussutissiani procenti sipaarniutaasup apparnera innutaasunut assigiimmik aningaasatigut kinguneqaateqassasoq takutinneqarpoq, tassani taakku qallunaat kalaallilluunniit soraarnerussutisianik katersiviannik atuinerat apeqqutaanani. Akerlianik innuttaasut kalaallit soraarnerussutisianik katersiviannik atuisut kisimik akileraarutitigut iluanaarutitik allannguinnikkut sunnerneqarput.

Takussutissiap aamma siunissami soraarninngortussat pingasut tamarmik annikinnerujussuarmik aningaasanik atugassaqaarnissaat takutinneqarpoq. Taamaamat sipaarutissatut pisussaaffigisat ataavartumik appartinneqaarnissaat sakkortuumik inassutigineqanngilaq.

Piffissaliunneqartup iluani paasissutissallu pigineqartut aallaavigalugit sipaarniutissat appartinneqarnerisa piortanut aningaasatigut kinguneqaataasa erseqqinnerusumik nalilernissaat ajornarpoq.

Taamaattoq soraarnerussutisiassanik katersat 1 % qaffakkaangata tamanna aningasarsiaqartut namminersorlutillu inuussutissarsiortut ataatsimoorlutik soraarnerussutisianut katersanut katillugit 97 mio. kr.-nik akiliinerulersarput. Taamaallillunilu soraarnerussutisiaqalernissamat katersat 4 % qaffannerat innuttaasut soraarnerussutisianut katersanut 388 mio. kr.-nik akiliinerulernerannik naleqarpoq. Akilernerqartut affaat kalaallit soraarnerussutisianut katersiviannut akilernerqarnerat tunngavissaatikaanni, tamanna procentimik appaanerit tamaasa 21 mio. kr.-nik akileraarnerulernermik naleqarpoq. Tassanili akiliutit ilaasa annertuut akissaatinik isumaqatigiissutit isumaqatigiissutillu il.il. tunuliaqutaralugit pisarnerat eqqarsaatigineqanngilaq. Akileraarutitigut iluanaarutit allannguutaat taamaalliluni kisitsisinit allanneqartunit appasinnerussasoq naatsorsuutigineqartariaqarpoq.

## Apeqqut 2

**Namminersorluni suliffeqarfimmi sinneqartoorutitut akileraaruteqaataasussanut akiliut 4 %-iunnartussanngorlugu aalajangersarneqarpat innuttaasunut aningaasaqaarnikkut qanoq kinguneqassava?**

### a. Pisortanut aningaasaqaarnikkut qanoq kinguneqassava?

Akissut:

Tulliuttuni innuttaasut pingasut tamarmik ukiumut ileqqaagassatut tunngavissaminni aalajangersimasumik 4 % sipaagaqassallutik toqqaasut, taamatullu tamarmik kalaallit soraarnerussutisianik katersiviannik atuisut aallaavigineqarput. Taamattaq agguaqatigiissillugu 43 % akileraarut atornerqarpoq.

Takussutissiaq 3

	150.000	250.000	500.000
6 % sipaagaq	9.000	15.000	30.000
4 % sipaagaq	6.000	10.000	20.000
Nikingassut	3.000	5.000	10.000
Akileraarut	1.290	2.150	4.300

Ileqqaarnerup nalaani aningaasat tigoriaannaat annertuseriarnerat	1.710	2.850	5.700
Ukiumut 4 pct.-imik sipaagaqarnermi aningaasat tigoriaannaat amerlassusaat akileraarutit kingorna	11.171	18.618	37.235
Soraarninngornermi aningaasat tigoriaannaat appariarnerat	(7.447)	(12.412)	(24.824)

Tulliuttuni takussutissiaq 1-mi tunngavissaritat aallaavigineqarput, innuttaasulli pingasut qallunaat soraarnerussutisianik katersiviinik atuinerat tunngavissaatinneqarluni.

#### Takussutissiaq 4

	<b>150.000</b>	<b>250.000</b>	<b>500.000</b>
6 % sipaagaq	5.130	8.550	17.100
4 % sipaagaq	3.420	5.700	11.400
Nikingassut	1.710	2.850	5.700
Akileraarut	0	0	0
Ileqqaarnerup nalaani aningaasat tigoriaannaat annertuseriarnerat	1.710	2.850	5.700
Ukiumut 4 pct.-imik sipaagaqarnermi aningaasat tigoriaannaat amerlassusaat akileraarutit kingorna	11.171	18.618	37.235
Soraarninngornermi aningaasat tigoriaannaat appariarnerat	(3.724)	(6.206)	(12.412)

Takussutissiani procenti sipaarniutaasup apparnera innutaasunut assigiimmik aningaasatigut kinguneqaateqassasoq takutinneqarpoq, tassani taakku qallunaat kalaallilluunniit soraarnerussutisianik katersiviannik atuinerat apeqqutaanani. Akerlianik innuttaasut kalaallit soraarnerussutisianik katersiviannik atuisut kisimik akileraarutitigut iluanaarutini allannguinnikkut sunnerneqarput.

Takussutissiap aamma siunissami soraarninngortussat pingasut tamarmik annikinnerujussuarmik aningaasanik atugassaqaarnissaat takutinneqarpoq. Taamaammat sipaarutissatut pisussaaffigisat ataavartumik appartinneqarnissaat sakkortuumik inassutigineqanngilaq.

Pisortanut aningaasatigut kingunerisassanut tunngatillugu apeqqu 1-imut akissummi immikkoortut kingullit marluk innersuussutigineqarput.


### Apequt 3

Soraarnerussutisiaqalernissamut aaqqissuussinermut peqataasussaataaffiusumut akiliisussaannermut killigititaq 100.000 kr.-init 150.000 kr.-inut qaffanneqarpat innuttaasunut aningaasaqarnikkut qanoq kinguneqassava?

#### a. Pisortanut aningaasaqarnikkut qanoq kinguneqassava?

Akissut:

Takussutissiami 100.000 150.000 kr.-nik isertitalinnut Soraarnerussutisiaqalernissami aaqqissuussinermut peqataasussaataanerup atorunnaarnerani, innuttaasup aningaasat qanoq annertutigisut "ileqqaarsinnaanera" takutinneqarpoq. Taamattaq soraarnerussutisiassatut akiliutinut sanilliullugu sunniutit takutinneqarput. Akileraarusiinikkut sunniutit ilanngullugit naatsorsorneqanngillat.



Ulloq 27. oktober 2020-mi akissutinni oqaatigisattut 100.000 kr.-nit 150.000 kr.-nut atulersitsiartornikkut tassangaannartumik ikaarsaariasaarnerup pinnginnissaa isumannaarneqarpoq, taamaalilluni innuttaasut 149.999 kr.-nik isertitaqartut soraarnerussutisiassanut katersinissamut ilaasussaataatanatik, innuttaasullu 150.000 kr.-nik isertitaqartut assersuutigalugu 6 % ileqqaartinneqassallutik. Taamaattoqartillugu 1 kr.-mik innuttaasumut isertitaqarneruneq 9.000 kr.-nik sipaaruteqartussaataitanermik malitseqassaaq.

Taamaattoqarsinnaanera innuttaasut eqqugaaratarsinnaasut pissusilersornerisa naapertuutinnngitsumik allangorneranik nassataqarnissaa naatsorsuutigineqartariaqarpoq. Taamaammat atuutilersitsiartortarnerup maanna atuuttup atorunnaarsinnissaa assut inassutigineqanngilaq.

Pisortanut aningaasatigut kingunerisassanut tunngatillugu apeqqut 1-imut akissummi immikkoortut kingullit marluk innersuussutigineqarput.

#### **Apeqqut 4**

**Soraarnerussutisiaqalernissamut aqqissuussinermut peqataasussaataaffiusumut akiliuteqarnissamut ukiutigut killigititaq 60-inik ukioqalernermut aalajangersarneqarpat innuttaasunut aningaasaqarnikkut qanoq kinguneqassava?**

##### **a. Pisortanut aningaasaqarnikkut qanoq kinguneqassava?**

Siunnersuutitut saqqummiunneqartumut sanilliullugu ukiut 60-inik killilerneqarnerata killigititap ukiunik marlunnik siusinnerusukkat atulernissaa kinguneqassaaq, taamaalillunilu ukiut ileqqaarfiusut 23-nut ikilisinneqassallutik.

Innuttaasut 60-iliinerminni soraarnerussutisianik katersanut akiliisarunnaartut ukiuni marlunni akileraarutininik akileereerluni akiliutissatut sipaakkamik annertoqqataanik aningaasanik atugassaqarnerulissapput.

Soraarnerussutisianillu katersanit tiguneqartut ukiumut 6 %-imik apparnerat tamatuma sunniutigissavaa.

Takussutissiaq 5-imi ileqqaagassatut toqqammavinnit ileqqaakkat 10 % akileraarutillu 43 % tunngavigineqarpoq.

#### Takussutissiaq 5

	<b>150.000</b>	<b>250.000</b>	<b>500.000</b>
Ileqqaarneq 62 unittarpoq	15.000	25.000	50.000
Ileqqaarneq 60 unittarpoq	0	0	0
60-61 akileraarneruneq	4.300	10.750	21.500
60-61 atugassaqarneruneq	5.700	14.250	28.500
Ukiumut 10 pct.-imik sipaagaqarnermi aningaasat tigorianaanaat amerlassusaat akileraarutit kingorna	17.399	28.998	57.996
Soraarnerussutisianillu ukiumut tigorianaanaat apparnerat	<b>(1.218)</b>	<b>(2.031)</b>	<b>(4.062)</b>

Takussutissiaq 6-imi ileqqaagassatut toqqammavinnit ileqqaakkat 6 % akileraarutillu 43 % tunngavigineqarpoq.

## Takussutissiaq 6

	<b>150.000</b>	<b>250.000</b>	<b>500.000</b>
Ileqqaarneq 62 unittarpoq	9.000	15.000	30.000
Ileqqaarneq 60 unittarpoq	0	0	0
60-61 akileraarneruneg	3.870	6.450	12.900
60-61 atugassaqarneruneg	5.130	8.550	17.100
Ukiumut 6 pct.-imik sipaagaqarnermi aningaasat tigoriaannaat amerlassusaat akileraarutit kingorna	10.439	17.399	34.798
Soraarninngornermi ukiumut tigoriaannaat appariarnerat	(731)	(1.218)	(2.437)

Takussutissiaq 7-mi ileqqaagassatut toqqammavinnit ileqqaakkat 4 % akileraarutillu 43 % tunngavigineqarpoq.

## Takussutissiaq 7

	<b>150.000</b>	<b>250.000</b>	<b>500.000</b>
Ileqqaarneq 62 unittarpoq	6.000	10.000	20.000
Ileqqaarneq 60 unittarpoq	0	0	0
60-61 akileraarneruneg	2.580	4.300	8.600
60-61 atugassaqarneruneg	3.420	5.700	11.400
Ukiumut 4 pct.-imik sipaagaqarnermi aningaasat tigoriaannaat amerlassusaat akileraarutit kingorna	6.960	11.599	23.198
Soraarninngornermi ukiumut tigoriaannaat appariarnerat	(487)	(812)	(1.625)

Takussutissiani siunissami soraarninngortussat pisuni pingasuni tamani aningaasani tigoriaannaatiminnik, ileqqaarnissamat pisussaaffiit 60-iliinermi unitsinneqarpata, annertuumik appariarissaat erseqqissumik takutinneqarpoq. Taamatut allanngineq kaammattuutigineqarsinnaanngilluinnarpoq.

Pisortanut aningaasatigut kingunerisassanut tunngatillugu apeqqut 1-imut akissummi immikkoortut kingullit marluk innersuussutigineqarput.

## Apequt 5

Ima pisoqarnera innuttaasunut pisortanullu aningaasaqarnikkut tamakkiisumik

qanoq kinguneqassava:

- **A-nit aamma B-nit isertitanit akiliutinit ileqqaarnissamut pisussaaffik 6 %-imut aalajangersarneqarpat**
- **Namminersorluni suliffeqarfimmi sinneqartoorutinit akiliutinit ileqqaarnissamut pisussaaffik 4 %-imut aalajangersarneqarpat**
- **Soraarnerussutisiaqalernissamut aaqqissuussinermut peqataasussaataaffiusumut akiliisusnaanermut killigilitaq 100.000 kr.-init 150.000 kr.-inut qaffanneqarpat**
- **Soraarnerussutisiaqalernissamut aaqqissuussinermut peqataasussaataaffiusumut akiliuteqarnissamut ukiutigut killigilitaq 60-inik ukioqalernermut aalajangersarneqarpat.**

Akissut:

Ileqqaarutissatut pisussaaffiup 10-mit 6 % apparnera kiisalu akilersuisussaataaerermut ukiut killingisa 60-inut aalajangiunnerata sunniutai.

## Takussutissiaq 8

	<b>150.000</b>	<b>250.000</b>	<b>500.000</b>
Ileqqartussaataaerermi aningaasat atorsinnaasat (akileraaruseereerluni) annertusinerat	3.420	5.700	11.400
60-61 aningaasat atorsinnaasat (akileraaruseereerluni) annertuseriarnerat	5.700	14.250	28.500
Soraarninngornermi (akileraaruseereerluni) aningaasat atorsinnaasat appariaataat	(8.178)	(13.631)	(27.261)

Ileqqaagassarititaasut 6-mit 4 % apparnerisigut, ileqqaartussaataaerermullu ukiutigut killiliussap 60-inut aalajangiunnerata innuttaasunut sunniutai.

## Takussutissiaq 9

	<b>150.000</b>	<b>250.000</b>	<b>500.000</b>
Ileqqartussaataaerermi aningaasat atorsinnaasat (akileraaruseereerluni) annertusinerat	3.420	5.700	11.400
60-61 aningaasat atorsinnaasat (akileraaruseereerluni) annertuseriarnerat	5.700	14.250	28.500
Soraarninngornermi (akileraaruseereerluni)	(4.211)	(7.018)	(14.037)



anigaasat atorsinnaasat appariaataat			
--	--	--	--

Takussutissiani siunissami soraarninngortussat pisuni pingasuni tamani anigaasanik tigoriaannaatiminnik, ileqqaarnissamut pisussaaffiit 60-iliinermi annikillisinneqarlutilluunniit unitsinneqarpata, annertuumik appariartoonnissaat erseqqissumik takutinneqarpoq. Taamatut allanngineq kaammattuutigineqarsinnaanngilluinnarpoq.

Pisortanut anigaasatigut kingunerisassanut tunngatillugu apeqqut 1-imut akissummi immikkoortut kingullit marluk innersuussutigineqarput.

### Apeqqu 6

#### Siunnersuummik maannatut iluseqartumik innuttaasut ilinniarnersiuteqartut qanoq sunnerneqassappat?

Akissut:

AIS 2021-mi konto pingaarnermi 40.02.06 ilinniarnermi tapiissutit meeqqanullu tapit oqaasertaliisoqarpoq, tassanilu Kalaallit Nunaanni tapiissutit annertunerpaaffii 4.700 kr.-nut aalajangerneqarput, taakku ukiumut 56.400 kr.-nik naleqarput.

Malittarisassat naapertorlugit innuttaasut 100.000 kr.-t ataallugit isertitaqartut soraarnerussutisianik katersivinnut akiliinissamut pisussaaffeqanngillat. Inatsisissatut siunnersuummi tamatuma allanngortinneqarnissaanik siunniussisoqanngilaq.

Taamaalilluni innuttaasut ilinniagaqarnersiutisiaqartut inatsisissatut siunnersuut maannakutut isikkoqartillugu sunnerneqassanngillat.

### Apeqqu 7

Ima pisoqarnera innuttaasunut ilinniarnersiutilinnut qanoq sunniuteqassava:

- **A-nit aamma B-nit isertitanit akiliutinit ileqqaarnissamut pisussaaffik 6 %-imut aalajangersarneqarpat**
- **Soraarnerussutisiaqalernissamut aaqqissuussinermut peqataasussaataaffiusumut akiliisussaanermut killigititaq 100.000 kr.-init 150.000 kr.-inut qaffanneqarpat**
- **Soraarnerussutisiaqalernissamut aaqqissuussinermut peqataasussaataaffiusumut akiliuteqarnissamut ukiutigut killigititaq 60-inik ukioqalernermut aalajangersarneqarpat.**

Akissut:

Ilinniagaqarnersiutit isertitanut killissarititat ataanniimmata taakku siunnersuummit sunnerneqassanngillat.

### Apeqqu 8

**Ulloq 27. januar ammasumik siunersiuinermi Naalakkersuisut paasissutissiissutigaat soraarnerussutisiaqalernissamut akiliuteqartussaataanerminnik malinninngitsut affaat sinnilaarlugit pisortanut akiitsoqanngitsuusut. Naalakkersuisut isumaqarput soraarnerussutisiaqalernissamut pisussaaffimmik eqquutsitsinnginneq pisortanullu**

**akiitsoqarneq imminnut ataqatigiinngitsut. Soraarnerussutisiaqalernissamut pisussaaffimmut akiliinnginnerup aammalu pisortanut akiligassaqarnerup akornanni pissutsit ullumikkut qanoq innerat paasissutissiissutigineqassasoq ataatsimiititaliamit kissaatigineqarpoq.**

Akissut:

Ulloq 23. marts 2020, ulloq 27. januar 2020-mi ammasumik siunersiueqatigiinnermut atatillugu ataatsimiititaliap ilapittuutitut apeqqutaanut akissutit nassiunneqarput. Akissut ilaatigut apeqqummi taaneqartumi naatsorsoqqissaakkanik ilaatigut imaqarpoq.

Naatsorsoqqissaakkat Kalaallit Nunaanni Naatsorsueqqissaartarfiup immikkut ittumik aniatitsineratigut suliarineqarpoq, ilaatigullu 2018-mi innuttaasut 6.943-t ileqqaarnissamut pisussaaffimminnik naammassinnissimannginnerat takutinneqarluni. Taakkunannga innuttaasut 3.503-t pisortanut akiitsoqanngillat, 697-illu 1.700 kr.-t ataallugit akiitsoqarput.

Piffissaliunneqartumi apeqqutip akinissaanut immikkut aniatitsinissamut piffissaqartoqanngilaq. Akissut ataatsimiititaliamut kingusinnerusukkat nassiunneqassaaq.

Inussiarnersumik inuulluaqqusillunga

Vittus Qujaukitsoq